

陶集

五
一
冊

陶淵明文集卷第五

賦辭

感士不遇賦

并序

昔董仲舒作士不遇賦司馬子長又為

一作悲

之余嘗以三餘之日講習之暇讀

其文慨然惆悵夫履信思順生人之善

行抱朴守靜君子之篤業

一作素

自真風

告逝大偽斯興閭閻懈廉退之節市朝
驅易進之心懷止志道之士或潛玉於

當年潔已清操之人或沒世以徒勤作

懷正志道之士或潛於當年索已清操之人或沒於往世故夷皓有

安歸之歎三閭發已矣之哀悲夫寓形

百年而瞬息已盡立行之難而一城莫

賞此古人所以染翰慷慨屢伸而不能

已者也夫導達意氣其惟文乎撫卷躊

躇遂感而賦之

咨大塊之受氣何斯人之獨靈稟神智

以藏照一作往秉三五而垂名或擊壤以

自歡或大濟於蒼生靡潛躍之非分常
傲然以稱情世流浪而遂徂物群分以
相形密網裁而魚駭宏羅制而鳥驚彼
達人之善覺乃逃祿而歸耕山嶷二而
懷影川汪二而藏聲望軒唐而永嘆甘
貧賤以辭榮溲源汨以長分美惡作以

宗本作
紛其

異途原百行之攸貴莫為善之

可娛奉上天之成命師聖人之遺書發
忠孝於君親生信義於鄉閭推誠心而

獲顯不矯然而祈譽嗟乎雷同毀異物
惡其上妙筭者謂迷直道者云妄坦一作
恒至公而無猜平蒙恥以受謗雖懷瓊
而握蘭徒芳潔而誰亮哀哉士之不遇
已在炎帝帝魁之世獨祇脩以自勤豈
三省之或廢庶進德以及時時既至而
不惠無爰生之晤言念張季之終蔽愍
馮叟於郎署賴魏守以納計雖僅然於
必知亦苦心而曠歲審夫市之無虎眩

三夫之獻說悼賈傳之秀朗紆遠轡於
促界悲董相之淵致屢乘危而幸濟感
括人之無偶一作遇淚淋浪以灑袂承前
王之清誨曰天道之無親澄得一以作
鑒恒輔善而佑仁夷投老以長飢回早
夭而又貧傷請車以備櫛悲茹薇而殞
身雖好學與行義何死生之苦辛疑報
德之若茲懼斯言之虛陳何曠世之無
才罕無路之不澁伊古人之慷慨病奇

名之不立廣結髮以從政不愧賞於萬
邑屈雄志於戚豎竟尺土之莫及留誠
信於身後動衆人之悲泣商盡規以拯
弊言始順而患入奚良辰之易傾胡害
勝其乃急蒼旻遐緬人事無已有感有
昧疇測其理甯固窮以濟意不委曲而
累已既軒冕之非榮豈緼袍之為耻誠
謬會以取拙且欣然而歸止擁孤襟以
畢歲謝良價於朝市

閑情賦 并序

初張衡作定情賦。蔡邕作靜情賦。檢逸
辭而宗澹泊。始則蕩以思慮。而終歸閑
止。將以抑流宕之邪心。諒有助於諷諫。
綴文之士。弈代繼作。並曰觸類廣其辭。
義余園閤多暇。復染翰為之。雖文妙不
足。庶不謬作者之意乎。

夫何瓌逸之令姿。獨曠世以秀羣。表傾
城之艷色。期有德一作聽於傳聞。佩鳴玉

以比絜。齊幽蘭以爭芬。淡柔情於俗內。
負雅志於高雲。悲晨曦之易夕。感人生
之長勤。同一畫一作畫於百年。何歡寡而
愁殷。褰朱幃而正坐。汎清瑟以自欣。送
纖指之餘好。攘皓袖一作腕之續絃。瞬美
目以流眄。含言笑而不分。曲調將半。景
落西軒。悲商叩林。白雲依山。仰睇天路。
俯促鳴絃。神儀嫵媚。舉止詳妍。澈清音
以感予。顙接膝一作手以交言。欲自往以

結誓懼冒禮之為譽待鳳鳥

一作鳴鳳

以致

辭恐他人之我先意惶惑而靡甯魂須

臾而九遷願在衣而為領承華首之餘

芳悲羅

一作素

襟之宵離怨秋夜之未央

願在裳而為帶束窈窕之纖身嗟溫涼

之異氣或脫故而服新願在髮而為澤

刷元鬢以頽肩悲佳人之屢沐徒白水

以枯煎願在眉而為黛隨瞻視以閑揚

悲脂粉之尚鮮或取毀於華粧願在莞

而為席。安弱體於三秋。悲文茵之代御。
方經年而見求。願在絲而為履。附素足
以周旋。悲行止之有節。空委棄於床前。
願在畫而為影。常依形而西東。悲高樹
之多蔭。慨有時而不同。願在夜而為燭。
照玉容於兩楹。悲扶桑之舒光。奄滅景
而藏明。願在竹而為扇。含淒飈於柔握。
悲白露之晨零。願襟袖以緬邈。願在木
而為桐。作膝上之鳴琴。悲樂極以哀來。

終推我而輟音。考所願而必違。徒契二

以苦心。擁勞情而罔訴。步容與於南林。

栖木蘭之遺露。翳青松之餘陰。儻行二

之有覲。交欣懼於中慄。竟寂寞而無見。

獨悄想一本作搖搖以空尋。歛輕裾以復路。

瞻夕陽而流歎。步徙倚以忘趣。色慄慄

而矜顏。葉燮二以去條。氣淒二而就寒。

日負影以偕沒。月媚景於雲端。鳥悽聲

以孤歸。獸索偶而不還。悼當年之晚莫。

恨茲歲之欲殫。思宵夢以送之。神飄飄

而不安。若憑舟之失棹。辟緣崖而無攀。

于時畢昴一作景盈軒。北風淒淒。二惘。二不

寐。衆念徘徊。起攝帶以伺晨。繁霜粲於

素階。雞歛翅而未鳴。笛流遠以一作遠噉。

清哀。始妙密一作密勿以閑和。終寥亮以藏

摧。意夫人之在茲。託行雲以送懷。行雲

逝而無語。時奄冉而就過。宋本云行雲逝而不我留

時亦奄冉徒勤思以自悲。終阻山而滯

河迎清風以祛累。寄弱志於歸波。尤蔓
草之為會。誦邵南之餘歌。坦萬慮以存
誠。憩遙情於八遐。

歸去來兮辭

并序

余家貧。耕植不足以自給。幼稚盈室。鋤
無儲粟。生二所資。未見其術。親故多勸
余為長吏。脫然有懷。求之靡途。會有四
方之事。諸侯以惠愛為德。家叔以余貧
苦。遂見用為小邑。于時風波未靜。心憚

遠役彭澤去家百里公田之利足以為
酒故便求之及少日眷然有歸歟之情
何則質性自然非矯勵所得飢凍雖切
違已交病嘗從人事皆口腹自役於是
悵然慷慨深媿平生之志猶望一稔當
歛裳宵逝尋程氏妹喪于武昌情在駿
奔自免去職仲秋至冬在官八十餘日
曰事順心命篇曰歸去來兮乙巳歲十
一月也

歸去來兮田園將蕪胡不歸既自以心
為形役奚惆悵而獨悲悟已往之不諫
知來者之可追寔迷途其未遠覺今是
而昨非舟遙二以輕颺風飄二而吹衣
問江夫以前路恨晨光之熹微乃瞻衡
宇載欣載奔僮僕歡迎稚子候門三逕
就荒松菊猶存攜幼入室有酒盈樽引
壺觴以自酌眄庭柯以怡顏倚南牕以
寄傲審容膝之易安園日涉以成趣門

雖設而常關策扶老以流憩時矯首而
遐觀雲無心以出岫鳥倦飛而知還景
翳_二以將入撫孤松而盤桓歸去來兮
請息交以絕游世與我而相違復駕言
兮焉求悅親戚之情話樂琴書以消憂
農人告余以春及將有事於西疇或命
巾車或棹孤舟既窈窕以尋壑亦崎嶇
而經邱木欣_二以向榮泉涓_二而始流
善萬物之得時感吾生之行休已矣乎